



國家清史編纂委員會・文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 七七四

古今體詩十卷文集二卷附三經合說一卷奏章一卷尺牘一卷 方 鑄 撰

向湖邨舍詩初集十二卷 趙 藩 撰 一三

讀書堂集十三卷附注三卷首一卷 簡朝亮 撰 一八七

蕉雨山房詩鈔八卷附蕉雨山房集唐酌存五卷（存卷三卷四）

附編一卷 丁堯臣 撰 四〇九

蛻存詩草四卷 熊傑勳 撰 五四一

木石菴詩選二卷復選木石菴詩鈔二卷 曹潤堂 撰 六一七

古今體詩

壽衡署

華胥赤子遺集

古今體詩卷一

入蜀

涉世從今日趨庭憶昔賢蜀雲常近水秦樹遠連天敢
負臨岐策初登下瀨船勒銘吾亦得歷歷古山川

渝城晚興

江火推窗見城頭足下低還將孤鶴夢送月過渝西

中秋

仙人坐拍鳴鸞翼聽徧霓裳情不極玉樓露冷桂花風
五銖衣上生秋色

華胥赤子遺集

古今體詩卷一

秋夜吟

月經秋色愈明人經秋愈愴情關山萬里度秋色入耳
不聞細語聲霜樹庭中一葉落暮苦深處亂蟲鳴

渝州曲

渝江之水巴字流渝州女兒弄輕舟爲憐新月一回首
望見城中月下樓

七八月時江水秋幾家住在白蘆洲不辭有屋如舟小
更向門前繫小舟

早冬望月

秋色依依盡清光總未殊不知兒女子猶倚畫樓無

素心蠟梅用朱君琴士原韻

一年花信一番新未問調羹且問春伴我玉壺心一片
不愁天地少知人不愁天地少知人
盼到春風占百花陽和香韻襲新葩不知姑射山頭月
曾照瓊樓第幾家

春雪

乍別梅花月春城動曉寒紙窗金錯落繡幕玉闌珊綠
酒相招易紅爐欲去難小鬟持茗殘笑印雪燈看

青羊宮

高閣午風細一溪紅雨飛鶯聲搖綠碎蝶影抱香肥繞

華胥赤子遺集

古今體詩卷一

二

陌青絲籠翠春白袷衣老僧談却火遺跡未全非

聽鶯

春風靜拂雲亭瓦黃鸝坐在柳陰下紅牙緣綺兩俱停
傾盤自惜繁珠瀉不知煙水往來中平生幾見攜柑者

與蕊白丹崖二君夜飲

我愛青天月著地光如銀送來花下影長伴醉中身對
影每不寂但恨情非真誰知三生石自有前世因梅花
尋駿骨秋水留清神錦江三十里一笑無紅塵爲我語
明月莫負庭際春揭開舊時影還照吾三人

待月軒聚魚

花缸移宿帶聚水游金魚浸得一握藕下有香泥淤水
清魚慙慙蓮葉扶沿舒蓮舒六七葉魚益四十餘豈不
難屈促清涼聊自如相期蓮葉下莫寄過河書

同張蕊白效山谷藥名詩體作四聲詩

平沙落日寒上界雲如練去鳥帶煙飛入林深不見
和蕊白金谷園原韻

擊碎珊瑚樹春風不鎖園玉樓非舊燕金谷亂啼猿花
被穠香誤溪留夜雨喧共君三斛酒漫作罰詩論

趙順平侯飲馬池

野竹成園翠掃空參天古栢望真同光生錦水春流外

華胥赤子遺集

古今體詩卷一

三

氣接銀屏落照中尙想旌旗銷浩劫不妨池館據英風
吞吳亦有千秋恨將略何曾恃膽雄

戲贈張蘭亭茂才

張旭顛風近已除牀頭尊酒更無餘夢難天地尋飛蝶
字以神仙引蠹魚夜月照人常寂寞青雲得路亦紆徐
可憐火色鳶肩意不問封侯但讀書

月夜有懷

庭際有清露素琴聊復張夜深花闇淡秋老月蒼黃滅
燭更無睡披衣時覺涼美人望不見一雁正南翔

雨夜

天倪不可求，忽爾通神爽。變化誠無方，何曾勞意想。初聞獨鶴鳴，歛睹明霞上。豈悟城市中，秋陰正蒼莽。寒析和雨敲，野竹攪風響。鄉鄰遂至晨，令人增悵惘。

成都曉發

遠水望不極，孤城聲動搖。我行將萬里，今古一江橋。月落微籠霧，鷄鳴暗上潮。寶刀何處脫，天地莽蕭蕭。

薛濤井

春風何事到天涯，又向江頭浣浣花。碧潏瀟瀟波新翡翠，紫雲茸草舊枇杷。旗亭故地誰爭酒，香井閒情自品茶。但覺詩成無處寫，錦箋今日落誰家。

華胥赤子遺集

古今體詩卷一

四

嘉陵道中

山影低於水，遠樹望如草。峩峩帽萬古，秀結此嘉陵。道我來氣已開發，船乘清曉遙。遙見一痕青，欲與波光繞。日色浮輕煙，春風鳴小鳥。浪景方明媚，江天坐窈窕。莫問富春山，即此浮家好。焉得畫圖中，隨意垂青篠。

過又魚灘

黃雲不動陽烏斂，魚龍起伏銀花閃。銅琶鐵板舊清狂，高卧篷窗入天險。長風欲送溟鵬飛，扶搖直上青天掩。三巖花雨倒吹來，拂衣盡是梨雲點。忽然一吸洪濤長，萬鐵齧石石有光。我行未挾澹臺壁，誤使陽侯觸劍鋌。

江晚

曖曖夕帆懸滄江，坐渺然靜中。時見鳥空外，半含煙落日。當山大輕波，脫棹圓不知。西塞客跨鶴，在何年。

重到渝城

江流變人影，落日照春聲。三載此爲客，扁舟仍到城。青山知未改，夜月看逾明。莫問鴻泥跡，今朝空復情。

巫峽

青天直下阿香車，羽匄匝馳三巴。四十丈水足妖怪，驅風走石龍攫拿。凌虛一掣落花雨，滅沒倒景翔金鴉。萬象變化隨朝霞，使我心驚魄悸耳聾眼花欲扶白日。

華胥赤子遺集

古今體詩卷一

五

問五丁此地恐有鳥道，蛇攀龍上。大青天斜，猿聲歷歷聽如蛙。倚白榆兮長咨嗟，翔鸞翥鶴來天涯。九嶷丈人與我語，入方雲沈天停雨。於今臣朔在風塵，焉得更弄雷電之機杼。笑令黃鳥投淵宿，驅使蛟龍歸海處。兩邊芙蓉十萬徐行看，中間坦道不使人歌行路難。汝不返我青冥端，使我不得開心顏。陽臺之雲飄忽如槎，言語相接忽然中。遮鳳簫虎瑟，杳然絕三時大笑聲。未還造化爐，惟煉石華割地妙手難。女媧神禹不逢蒼水使，坐看萬古愁風沙。

夜泊夔府聞鄰舟琵琶聲

半江漁火破煙明暮色遙看白帝城不是潯陽秋月夜
教人愁殺四弦聲

竹枝詞

寒猿聲裏溼雲低峽口輕潮夜拍隄喚得一船歸夢醒
不關煙樹子規啼
黃牛峽裏放歸船一日經過似一年人說巫山高不極
也知高不到青天
銀梳卻月一羣顰爲摘山茶入彩雲歸向溪頭還照影
不知誰得似昭君
舟人撾鼓乞揚靈多向黃陵廟下停奠罷一杯澆舵酒

華胥赤子遺集

古今體詩卷一

六

滿天風雨下空船

峽船

清灘已過弋灘升百丈相牽也自矜浼客賽神朝貫酒
防猿下石夜吹燈

泊沙市望荆門感賦

船下荆門渡風濤夢裏過十年今至此萬險更如何江
市聞朝日人聲動夕波可憐遊子意猶似蜀山多

夜泊漢陽

夜色莽於秋滄江激亂流晴川猶膽閣黃鶴不成樓星
月千帆在乾坤一劍留有懷鸚鵡賦芳草迴生愁

黃鶴磯野望

仙人睡醒白雲在玉笛吹終鶴不來江上青山樓上月
五千年外畫圖開芳洲寂寞餘春草流水依稀見落梅
爲報故鄉行已近明朝應上射蛟臺

漢口書事

漢口有外來悍卒肆虐於居民民不敢過問一
日傍晚來掠近岸舟舟人大呼而凡爲舟者皆
應連檣數十萬頃刻懸燈燭滿之命曰齊心燈
蓋江湖舊俗也卒衆乃逸去嗟乎齊心之爲用
固如此哉聞之兵不善戰即能殃民此輩固西

華胥赤子遺集

古今體詩卷一

七

南勁旅素稱善戰者然而且殃民若此可勝惜
哉

火不戢自焚水相狎而沈練兵苦不强強極復難禁健
兒好身手殺賊乃其任能剗賊肺腸還保民耕維疆塹
二十年金革眞相衽胡爲殺賊心反欲殃民甚民物不
可逃民口已先嚙誰能試婉嬰使汝當宵摸湛湛長江
水帆檣逼氣凌眾心齊所歸舉燭高難闖密點星競明
垂光虹下飲信哉盜索橫義泉非所沁食肥猶苦饑解
渴翻持鳩大樹良可思蔭人還自蔭

夜泊下巴河

不作赤壁遊聊吟赤壁賦獨立蒼茫中煙水澄空素

九江遇風

旁午天風捲地狂怒濤奔起日暮黃更誰破浪長江裏
不羨鼉梁送穆王

彭澤江中

碧雲低水雁初還目斷潯陽又幾灣一點翠螺新月裏
舟人道是小孤山

望江謁華陽斷事忠烈公祠

一續懷沙賦千秋楚水寒世其鍾爪髮家學護衣冠戰
伐悲餘氣風雷寄小官根源來自遠遙指蜀雲看

華胥赤子遺集 古今體詩卷一

八

初歸

烽火荒居在歸來自損神眼前不相識盡是一家人

山居秋暝

屋角高林不露痕溼雲一氣混朝昏解人秋雨如相識
時帶斜風叩竹門

苦雨

陽鳥不肯出十日藏虞淵陰雲生萬壑忽與秋空連女
媧持片石煉之頑且堅蘆灰傾欲盡障塞皆無權當春
苦亢旱滌滌諸山川經過萊子湖湖水不任船歸來脫
征服稼穡情所專晚收及霽需眾物方欣然快心觀鉉

刈錢罇怪不前橫滋芽與葉毋乃喪其天怨咨各有託
人事多變遷荒餘民力瘁尤恐氣沈綿

夜雨答和齋

樹色忽已暝山光落秋冷中夜風雨來瀟瀟度西嶺蟲
懷苦砌音屋抱孤燈影幸茲聯牀人相對忘宵永

九日獻諸兄示諸弟

故里逢佳節登臨興復同離離千嶂雨落落一川風樹
色分秋溼湖光盪遠空猶應勝彭澤把菊坐籬東

曉雪

一夜北風急空山寒氣催暗雲燈外合曉雪夢中來詩

華胥赤子遺集 古今體詩卷一

九

思冷筇在閒情凍筆開十年戎馬息初見故園梅

冬日雨中偶作

空山一夜月化作層雲飛鷄鳴天向曙密雨晨霏微天
時不可知陰晴無定期輒霧斷復續薄日隱還歸羣鴨
時拂羽雛鷄常戀時昨夜倚新月北風故依依相賞已
忘機焉知寒襲衣復茲對陰景濁酒聊可揮前山有佳
氣不在開晴時鴛言著蓑笠冷筇亦相隨亦既尋幽梅
聊復得新詩

喜張吉門外兄過訪

密雪霏微晝掩關故人情話草堂間夢迴魚復來時水

居傍龍眠劫後山憶別忽如千載過論文猶幸一身閒
共知世事原無定有酒留君且莫還

茅舍

茅舍四無鄰梅花也自春尋詩不知冷風雪立閒身

春日即事懷張蕤白外兄

午館人方靜疎簾下綠無日塵飛野馬花影走春駒晝
永能消茗心閒欲據梧不知張仲蔚此際有詩無

山居書事

歸路經巴蜀新居近霍潛不辭顏巷陋來學杜陵兼壁
去塵三斗峯堆黛一匱兵戈初歇息木石與莊嚴可意

華胥赤子遺集

古今體詩卷一

十

泉臨竹親人鳥下簷晴雲青入戶芳草綠依簾春曉羣
花靜秋深遠樹尖御冬勤有蓄消夏久忘炎橡子風前
落松聲雨後添北窗陶令酒東壁鄴侯籤籀紙揮毫健
芹泥著屐黏就僧嘗菜蜜與客試茶鹽疑義難兄晰疵
文小弟礙琴書二徑約樵牧四鄰兼放鶴詩能續維魚
夢亦占青糲豐歲粟白露故鄉兼得味蕤羹冷遣人蔗
境甜煙霞休論癖風月不相嫌狂態招銀鳳仙心問玉
蟾南山幽曲處霧豹且深潛

華胥赤子遺集

古今體詩卷二

贈姚丹崖

更誰學得虎頭癡斷盡韋編懶下帷春夜好花秋夜月
手中尊酒袖中詩夢逢丹篆還成笑話到青雲更不疑
今日故園仍惜別茂林禽鳥有相思

贈張蕤白

停雲江上一時開張翰輕舟落落來曲到梅花應縱酒
味如蕤菜亦羈才秋香早待吟珂里春色從教鎖鏡臺
二華三峨風月興憑君雙袖獨攜回

華胥赤子遺集

古今體詩卷二

一

作賑饑

不賤人饑賑鬼饑鬼饑還助人朶頤玄都盡是饕餮客
遂聞幽鬼號餒而作賑饑誠胡爲請君聽吟賑饑詩斜
陽未接西山樹南阡北畝人已歸主人指麾掃蘿徑呼
兒打殺長鳴鷄須臾陸續先生至先生科頭而短衣入
門無言先入座鬼且不飽人不辭作賑饑不賑饑鬼賑
饑人饑人餓口乃有神鬼神情狀倏可見見且不見如
見眞擬金動鐸揚喤聲琉璃燈影風中明先生口動色
不動坐令幽鬼衆饑名先生有道不醫俗肯使此生空
負腹長缺不歸爲有魚鼎俎辭割恐無肉牛鬼蛇神觀

者眾喧笑聲中曙色動道是天明勅鬼歸前者嘗請今
惡送作賑饑村唱巧唱到歎孤聲更好時而倨傲不爲
恭摩肩立者愈傾倒鬼慚不食嗟來人先生獨矯蘇秦
純先生再食明星稀先生食畢栖鳥飛剪生之鷄亦下
咽此間不去何所後作賑饑賑饑主人一何愚賤鬼不
見主人惠主人已被鬼抑揄昔年大水淪馬尾溝壑有
呼皆塞耳當時若少守錢奴人世應無餓死鬼

中秋後一夕月食

同明不相照夕月忽無光赤氣摩其魂周匝無微芒列
屋收地影大星何煌煌羣兒不曉事金鼓徒鏗鏜昨日

華胥赤子遺集

古今體詩卷二

二

燭積雨一輪不肯藏今夕始扶樹豈是觸扶桑周天三
百度度度各有行此月曰維常彼日實不減奈何蟾蜍
精宵不如丹良機槍灼往歲千里戰塵黃野死鳥不食
城郭成遐荒今夕復何夕到眼疑紅羊習習谷風涼悠
悠使我傷三時凝暮氣一霽來淒霜多謝據津人戒之
慎勿忘不敢問吉凶但欲和陰陽

秋日與少舟七兄和齋十弟登西山最高處

久邀明月往東谿偶趁涼風過嶺西雲影乍隨雙鳥去
水光遙逼萬松齊長公妙畫應添譜小謝新詩又有題
我愛煙霞勝於菊重陽還要共攀躋

楓莊

披書楓樹下拂石坐清霜不識古人近舉頭楓葉香

橡里

風定秋月明山禽忽驚起溪水寂無聲空林落橡子

蝶溪

春從山外歸始覺山中好蛺蝶小於花雙飛溪上草

望湖嶺

何來一片雲吹入松風裏映日愈分明不道是湖水

竹巢

一雨沆沆寒清陰生竹室離根紫筍芽爭破莓苔出

華胥赤子遺集

古今體詩卷二

三

梨花塢

雪裏不聞香花時翻見雪隨意逐迴風過橋光未滅

西崦

秋山偶倦行不用攜瑤席踏向老松根松毛深一尺

翳翳谷

叢蘭深不見香氣人秋衣盡日幽窗下雙雙水翠飛

和張蕤白見贈原韻代和齋作

閒階月影夜遲遲正是西窗剪燭時情未相逢先有夢
語餘話別便論詩三眠花雨留輕袖太華煙雲人綺思
我愧扁舟辜赤壁洞簫雖好不曾吹

靈和垂柳舊生姿張緒神情更可思霽月光風君自昔
暮雲春樹我於茲幾年夢越三千里今日心閒十二時
欲向飛鴻尋爪跡五陵原上雪泥知

玉樹臨風笑倚時自慚瀟灑屬宗之芝蘭我覓無香處
芍藥君吟入夢詩野水正添春後尺好山半隱雨餘規
從今相約青雲路不向江橋折柳枝
前身明月幾人知石到三生相未移見說文章通性命
更無形跡累宗師落花近水香浮壁疎雨過庭綠暈帷
正向故園尋樂境逢君一笑有餘思

戲贈蘓白

華胥赤子遺集

古今體詩卷二

四

金屋銀屏迤邐開梅花障裏暗香來溫柔世界歸全福
環珮神仙識異才人對芙蓉思錦水夢扶芍藥到瑤臺
畫眉舊有家風在把筆還應笑幾回

夢遊絕句

夢遊於郊外道出古寺寺有東西門門皆南嚮
若心知爲一寺而二分之者遂信步自其西人
白石界道兩旁野薔薇蔓延滿壁青苔下映清
氣撲人隱隱聞東院語笑聲頃一人自內出葛
巾野服手一版如簪狀中題二絕句顧示予讀
之隨義變聲既醒輒忘去獨記其次首結二語

最詳憶豈其有宿世因與引而存之不知夢之
爲夢抑非夢之爲夢也

夜來清夢踏郊寒野寺平分半院寬何事菩提常住此
一船風月雨般看

石門衝

兩山對立青濛濛銀河倒影懸當中冰簾不捲水晶碎
重門長闔梨花風仙人手把金芙蓉醉中喚作香爐峯
興來赤足踏秋水倒驅花雨隨飛龍龍鞭遺卻不曾馭
赤足踏向西山去雪泥鴻爪兩無心一笑回看尋壑處
崖諸有足跡大如扇又
鑄尋壑處三六字篆文

華胥赤子遺集

古今體詩卷二

五

坐久

坐久晚涼天風聲暗繞泉竹池生夜月石磴穩秋煙掃
榻留花影停琴看鶴眠偶邀林史話猶勝木樨禪
之
山居秋夜和齋以竹深風過火五字屬對因率成

聽罷梅花笛歸齋欲寢時竹深風過久窗小月來遲涼
意三更足秋心一榻移披衣燈影畔閒讀卯君詩

漁翁

白鷺飛歸秋水明醉看江月不知晴船頭一夜瀟瀟雨
盡是洲前蘆荻聲

夜涼

手折崖花坐晚晴，隔溪人在鏡中行。
月明遠嶺留煙影，風起疏林度葉聲。
鴻雁不來秋水濶，星河欲轉夜涼生。
怕思往事剛回首，別院催燈螢又鳴。

山家冬日喜晴

閉門聽雨出門看，始信簷頭雪未乾。
數鳥能知今日暖，羣山猶帶舊時寒。
淺斟綠螳初熟，少著黃綿臘已殘。
競約負薪去城市，易鹽歸好作春盤。

庚午秋予病牀昏沈之際，若乘馬遊於村落間，歛
隔清溪徘徊未渡，顧見十餘騎自後至，中有熟

華胥赤子遺集

古今體詩卷二

六

識者皆張蓋滅頂嬉笑而過，卽得詩一絕狂吟
之醒後忘其第三句戲補成之

桃花門外水漫漫，匹馬西來欲渡難。
踏破琉璃千尺影，看人全不畏深寒。

送二兄之長安

歡會不見長感時，獨懷絕今朝送阿兄。
明日重陽節

春夜有懷

庭竹氣初霽，片月照寒碧。
積雨遞微明，簷端時一滴。
四壁清蟲啼，共此林風夕。
遙憶山中，人何處尋春跡。
春日雨中望龍眠山

古今體詩

樓頭一夜雨，春樹萬家雲。
峴帷覽入極曉色，何氤氲飛禽沒孤影。
遠水澹無垠，微風吹未已。
疊嶂如波紋，丹青有真意。
落筆徒紛紛，太息李居士。
清輝不可聞，輕寒入衣袖。
徒倚猶爲君，浮生能復幾。
鸞鶴爾誰羣。

吳君彭年以婦胡孺人賊中代死事徵詩

盤盤雙桐樹，結根孤石底。
貞幹有千秋，何必成連理。
一榮一悴間，所任殊僵李。
劫火燭蒼穹，成灰心不死。
豈不惜摧殘，大義爲之使。
持此百年心，餘蔭及孫子。

姚魯山丈將有遠行以別菊詩屬和原韻

宓子鳴琴近十年，丈夫真不受人憐。
歸來未種先生柳

華胥赤子遺集

古今體詩卷二

七

託興何爭左，相錢對酒親。
朋團老屋課花兒，女供吟牋故園幾歲，無征戰叢菊初開，綺席邊

莫道清高世不知，夕陽籬落細吟之。
黃金布地秋爭色，青眼看花月有姿。
陶令本非甘隱逸，屈平何忍獨棲遲。
壯遊他日增吟興，更把仙人碧玉枝。

惜春詞

畫橋垂柳易籠煙，紫玉生來劇可憐。
乞與瓊漿還一歎，裴郎無分作神仙。

遣興五首

萬籟發清風，同穴各異響。
求以來者聲，傾耳已殊爽。
適

興爲文章所得非所放始悟昨與今時日亦已兩造化

無停機紛紜勞夢想既去復欲留浮雲欺息壤

平生何所羨羨爾空桑民澹然隨所適更無明與親有

親必傷別有別必傷神念之摧顏貌去去勿復陳

口舌得高官齊虜猶可貴纍纍印與綬乃有爛羊胃由

來眞告身曾不直一醉一笑語盧生君識黃梁味

堂堂國師公九流恣區別王道與齊民相攜同一轍衣

冠不鄒魯禮樂付綿蕝下至揚子雲猶堪肆剽竊所以

至元閒心傷謝文節念彼作偏時猶容居首列

鶴鳴空山月花落夜光清仙人王子晉參差吹玉笙白

華胥赤子遺集

古今體詩卷二

八

雲自今古去去各含情

華胥赤子遺集

古今體詩卷三

爲秀之六兄題畫時兄將赴隴西

蘭澤多芳草幽香止自知折來深院裏間坐一支頤寄

遠情何極封侯約未遲更應倩周昉添寫鳳皇枝

莫愁湖

秋風弱嫋嫋打漿石城道石城徒自堅代代愁風煙一

唱莫愁樂相歡定幾年湖上芙蓉花新栽似羅幕不少

看花人到來花已落

村馬黃

華胥赤子遺集

古今體詩卷三

一

君馬黃我馬白君馬去幾時我馬無顏色不惜我馬疲

但愁君不知

景學士宅牡丹

曉露凝酥半未開日光紅徧幾亭臺玉堂分得花千葉

新自宜春殿上來

姑惡詞

里有張氏婦失愛於姑以虐死爲作此詩

村前村後啼姑惡中夜一聲渡雙落事姑不得敢怨姑

祇向空閨憐命薄憶從十五入君門暮暮朝朝空斷魂

珠光斂盡事機織舊時嬌態寧重論娟尙愁癡翁作吏

堂前難識算姑意未逢夫婿怒蒸梨翻教阿母愁瓜蒂
釵頭折斷金翠翹紅冰黯黯凝鮫綃淚痕掩面泣不得
轉顏一笑心神消心神消盡翻成羨後堂猶許癡郎見
不似廬江小吏妻玳梁生折雙栖燕雙栖未穩白日斜
東南孔雀飛天涯劇憐紫玉成煙後苦雨淒風夢到家
當時鷄酒論婚媾入門先哭天桃瘦身後何須覆錦衾
雪膚花貌成冰縷芍藥香消一捻紅柳條經剪愁春風
已拚姬氏留金玦况遇吳奴出火攻遺釵墜鈿紛狼藉
掌上明珠曾愛惜痛絕人間父母心至死真情猶脉脉
一鈎如意紅珊瑚招魂何處迎神巫不知世事東流水

華胥赤子遺集

古今體詩卷三

二

請汝回頭看小姑

重遊相國寺

纔入禪關又市囂空庭積雨欲生潮樓臺杳靄臨中岳
碑版蒼茫記北朝作客自憐雙鬢短懷歸初覺一身遙
滄桑隔歲成眞事襟上煙雲跡未消

旅次有鸞鶴者作詩慰鶴

浮雲出有時滄海心無極延頸望入荒鳴聲誰當識芳
蘭苟不采當路皆荆棘一朝失故居豈得自修飾形神
日以摧風雨相凌逼恥爭鷄鶩栖翻論雞鶩直世情豈
如此天道有通塞倏忽順風翔慎保雙飛翼

古今體詩

傷旅

驅車息大梁旅況當誰陳有客獨後來面目多風塵不
言亦不笑向夕惟哀呻在萬隨物化相去未兼旬臨絕
一長歎自言家本秦離家十二年事事懷苦辛豈不惜
筋力家室賴一身有女十五六有男能負薪時時寄音
信兩兩俱成人婚嫁尚未畢且復隔關津何曾計年命
邱首更無因感此淚盈把道爾傷哉貧

題信陽道署紫薇花

天涯地角不堪論一樹花移上苑根願學香山今亦似
獨邀明月坐黃昏

華胥赤子遺集

古今體詩卷三

三

葵園漫興

曲徑西行繞豆籬過橋垂柳綠絲絲小闌立人渾無意
細數新荷又一枝

畫扇爲詹數峯題

故園同是水雲鄉張翰秋來興正長他日和羹君記取
莫教辜負菜根香

月夜

夜夜西窗月何因一倍明照人成別恨隨處起秋聲林
葉鵲翻墜涼雲雁度平關河千里回望不勝情

日夕

斜陽入西壁庭樹孤煙起缺月優微光歸鳥未已憶昔同懷人相攜故園裏煮茗束衣襟課花尋步履鼓瑟有希聲逸興方云始跬寸不忍離安知今道里

和數峯登樓原韻

澹煙九點小齊州願接盧敖汗漫遊擊水鯤鵬留六月摩天雕鶚控三秋元龍湖海成蛛隱司馬文章起鳳樓到此風雲生眼底卻身應笑七人愁

月當頭夜與數峯小酌遂遊葵園

仲冬方十日列坐垂書帷感懷遊子吟偶誦野航詩君言三十載惜哉未聞茲會當沽美酒同一驗此奇一日

華胥赤子遺集 古今體詩卷三

四

卜陰晴二日辨盈虧三日怵微風四日迎朝曦誰知造物意果不須人爲自能將夜月釋此中心疑情歡酒未至影下神交馳拳帷幾曠望強復彈枯棋爐溫槽拙火香泛葡萄卮平生不善飲覆瓿煩屢釀一酌月在壁兩酌月當墀三酌月光滿四酌月初移稍遲恐月過未過嫌月遲玲瓏收衆影累黍量高枝長竿直如線珍重相矜持風來動衣袂始辨人體肢君言視深井此際尤當宜因開西園門遂過園東池見水不見月平視乃可窺徘徊駭龍氣蓬勃如朝炊相呼深井上彷彿皆之而試手作微溫栩栩疑春熙俯視但光彩水月兩不知卽此

悟生理何異鴻荒時

籬角紅梅一株初不識也花時戲題

紫薇花外一枝枝指葉攀條幾度疑競道是桃偏有雪自憐除菊更無語曉風料峭催香處夜月朦朧欲笑時見爾貞心似松栢不因歲晚又誰知

紅梅

林下生來嚙傲身翻從爛渴得天眞能爭風雪原因骨欲辨臘黃已美人蠟照乍開珠網落鷄冠添寫玉精神一鞭侵曉孤山去暖日明霞處處春
粉鷄樓頭五月風石榴消息笛聲中人來官閣移燈看

華胥赤子遺集 古今體詩卷三

五

春入香肌有汗融山竹愁多寒與共海棠妝好夢應同最憐映水橫斜裏兩兩雛鸞唱洗紅不挹雙眉淡掃蛾櫻桃初綻一聲歌暗催薌澤街青鳥別有奇珍出紫脫俠客心腸寒處少美人情態醉中多春風待入含章殿北地臙脂奈爾何
十二樓臺壯赤城神仙富貴亦生成不將白眼酬嵇喜自有丹心似廣平金鉉鼎邊閒撥火茜紗窗底坐吹笙
從今雪海蒼茫路七尺珊瑚掛月明
數峯作九九銷寒圖戲題
雪泥宛轉飛鴻跡欲爲寸陰輕尺璧安樂窩中五色雲

補天不藉嫫皇石，綈室三重揭瑄霞。試裁小紙學簪花，畫眉有筆輕勻慣。臨揭雙鉤更不差，課晴問雨殷勤記。離人不似耕夫意，半壁閒題有畫詩。遙天伴寫宜春字，宜春字入九張機。惆悵鴛鴦作對飛，幾回染筆圖開處。願逐春風緩緩歸。

日暮與數峯遊西園

衙齋日晚自蕭閒，乘興西園共往還。忽覺有詩吟不得，臘梅花裏話家山。

爲數峯題桃花源圖

流水桃花別有天，此中人已是神仙。春風莫漫吹楊柳，

華胥赤子遺集

古今體詩卷三

六

待汝吹來隔岸船

即目

薄暮西園路，池冰立鷓鴣。見人飛拍拍，憐爾意區區。風雪凝雙翼，煙波憶五湖。似知行亦得，不肯誤相呼。

雪後百五十峯草堂書壁

曉色和殘雪，光明共一均。蠟梅金欲滴，冰竹玉相敲。地入玻璃海，林虛翡翠巢。寒終足喜宿，麥滿春郊。

元日題信陽官舍

二十年來事今朝，謝伯城潑窻晴雪影。擲地斷冰聲賀歲，閒投刺逢場說試庚。坐拈香栢子，撥火聽瓶笙。

古今體詩

答數峯贈別原韻

別後關山月，相思問表桓。一年閒裏過雙眼，冷時看俠客。酬孤劍，佳人佩木難。唯應師柳下，能使鄙夫寬。

原韻附

一年十二月半載，此盤桓。有酒喜同飲，愛花時共看。契田忠信，合話到別離難。無術留君住，鵬搏路正寬。信陽曉發遇雪偶成

半年小息又長征，一路梨花出謝城。望裏不知春雪冷，馬頭山色撲衣明。

遊繁臺拜張明府熙甫殯宮

華胥赤子遺集

古今體詩卷三

七

拔劍四顧心，神擢出門天。地何悠悠哉，密雲當空久不散。下有古時歌，吹臺黃河東。流日夜急奔湍激，浪相喧。歷梁王意氣，一朝盡遺聲。不與悲風來，憶昨黎陽遇賢宰。樽酒相邀情未改，殯宮寂寞今在旁。何況古人去千載。

渡黃河

征衫一卸十年過，匹馬催人更渡河。落日平沙無限思，故園東望白雲多。

漳河

魏武竟何在，層臺跡已銷。漳河自春水，落日聲蕭蕭。西陵松柏樹，歌舞方見招。豈知滄波上，今有百尺橋。橋斷

一三

有時接樹斷已無葉日暮雷雨來蒼龍奮鬚鬣

姨弟夏閨枝以青燈得味圖屬題

十載杜陵月清時感慨場平生厭裘馬閱世幾滄桑猿

鳥臨三峽風濤歷五洋何曾任瀟灑親切夜燈光

省識熊九意何堪憶往時寂寥禽自語根本竹俱慈滌

硯調花露開簾課雪詩羨君庭戶裏相映發瑤枝

洛水駉征轍林花一笑紅琴聲趨愛日樽酒對春風索

駿終當去披圖自不同舊家思老輩還勝狄梁公

溱沔河

但見車輪行不聞車輪聲車輪聲欲起忽渡溱沔水瘦

華胥赤子遺集

古今體詩卷三

八

馬立空船北風吹骨髓還顧望舊鄉山川幾千里請言
行者勞愧彼垂竿子垂竿不種田水惡無魴鯉落日照
平沙居人半荆杞

趙州橋

車馬若凌虛憑憑作雷響下視百丈潭已如隔天壤造
化何太奇神靈恣傲儼一氣鼓虹霓浩然成獨往顧盼
無古今從容絕憑仗天風咫尺間拿空驅蜩蝓中路一
聳身蜿蜒已十丈秦皇不敢鞭公輪亦神惆獨有古仙
人大笑撫其掌世事何勞勞征塵方攘攘留得雪泥因
騎龍已直上

華胥赤子遺集

古今體詩卷四

詠懷古跡

襄城

軒轅皇帝有遺碑曾過襄城訪具茨大道分明求賢子
教人不敢賤牛醫

季子挂劍處

莽莽風塵託太阿故人一日幾摩挲秋煙鎖徧荒陵樹
生死無端奈汝何

止子路宿處

華胥赤子遺集

古今體詩卷四

一

閒向秋坪學灌畦勞勞車馬自東西科應一入雲山後
不爲旁人更殺雞

博望驛

萬里河源一問津葡萄初見漢家春男兒自有封侯骨
愁殺南山射虎人

穎考叔祠

暖日春風孝子祠行人一過一增悲翳桑豈惜窮途死
難得求羹奉母時

汝墳

回首瑤臺隔暮雲國風哀怨不堪聞斷魂流水消難盡